

遼寧舊方志

奉天通志

第五函

遼寧舊方志

奉天通志

第五函

目錄

卷九十七 禮俗志 二三八七

禮俗一 典禮 風俗 二三八七

典禮 二三八七

風俗 二三八七

卷九十八 禮俗二 節令 歲事 婚嫁 喪葬 祭祀 二四〇四

節令 二四〇四

歲事 二四〇六

婚嫁 二四一二

喪葬 二四一六

祭祀 二四二一

卷九十九 禮俗三 神教 居室 衣服 飲食

器用 二四二七

神教 二四二七

居室 二四三三

衣服 二四三六

飲食 二四三八

器用 二四四一

卷一百 禮俗四 方言 二四四六

卷一百一 氏族志 二四七五

氏族一 漢 三國魏 二四七五

漢 二四七五

三國魏 二四八三

卷一百二 氏族二 晉 燕 北魏 隋唐 五代 二四八五

晉 二四八五

燕 二四八六

北魏 二四八九

隋 二四九一

唐 二四九二

五代 二四九四

卷一百三 氏族三 遼 金 元 二四九五

遼 二四九五

金 二四九六

元 二四九九

卷一百四 氏族四 明 二五〇一

明 二五〇一

卷一百五 氏族五 清上 二五〇九

清上 二五〇九

卷一百六 氏族六 清下 二五二四

清下 二五二四

卷一百七 田畝志 二五三三

田畝上 二五三三

洮南縣	安廣縣	鎮東縣	開通縣	二五四九
長白縣	撫松縣	安圖縣		二五四八
臨江縣				二五四七
寬甸縣	通化縣	金川縣		二五四六
清原縣	輝南縣	桓仁縣	輯安縣	二五四五
復縣	興京縣			二五四四
撫順縣	本溪縣	海龍縣	柳河縣	二五四三
東豐縣	鳳城縣			二五四二
安東縣	岫巖縣	莊河縣	金縣	二五四一
遼陽縣				二五四〇
海城縣				二五三九
蓋平縣	鐵嶺縣	開原縣	錦縣	二五三八
興城縣				二五三七
北鎮縣	義縣	新民縣		二五三六
彰武縣	黑山縣	台安縣	盤山縣	二五三五
遼中縣				二五三四
營口縣	錦西縣			二五三三
綏中縣	西豐縣			二五三二
西安縣				二五三一
東豐縣	鳳城縣			二五三〇
安東縣	岫巖縣	莊河縣	金縣	二五二九
復縣	興京縣			二五二八
撫順縣	本溪縣	海龍縣	柳河縣	二五二七
寬甸縣	通化縣	金川縣		二五二六
清原縣	輝南縣	桓仁縣	輯安縣	二五二五
臨江縣				二五二四
長白縣	撫松縣	安圖縣		二五二三
洮南縣	安廣縣	鎮東縣	開通縣	二五二二

昌圖縣 康平縣 遼源縣 通遼縣 懷德縣 梨樹縣 法庫縣	二五五〇 二五五一 二五五二	洮安縣 突泉縣 瞻榆縣 雙山縣	二五五〇 二五五一 二五五二	卷一百八	田畝下 墾丈 清賦 水利	二五五三 二五五三 二五六三 二五六四	墾丈 清賦 水利	二五五三 二五六三 二五六四	卷一百九	物產志 植物上 穀屬 蔬屬 菌屬 瓜屬 果屬	二五七六 二五七六 二五七六 二五七六 二五七六	植物上 穀屬 蔬屬 菌屬 瓜屬 果屬	二五七六 二五七六 二五七六 二五七六 二五七六	卷一百十	物產二 植物下 藥屬 花屬 草屬 木屬	二六〇二 二六〇二 二六〇二 二六〇二	植物下 藥屬 花屬 草屬 木屬	二六〇二 二六〇二 二六〇二 二六〇二
------------------------------------	-------------------------------	------------------------	-------------------------------	-------------	---------------------	--	-----------------	-------------------------------	-------------	-------------------------------	---	---------------------------	---	-------------	----------------------------	--	------------------------	--

花屬	二六〇八
草屬	二六一六
木屬	二六二二
卷一百十一 物產三 動物	二六三〇
動物 禽屬 獸屬 魚屬 介屬	二六三〇
蟲屬	二六三〇
禽屬	二六三〇
獸屬	二六三六
魚屬	二六四三
介屬	二六五一
蟲屬	二六五四
卷一百十二 物產四 礦物 庶物 貢物	二六六六
礦物 金屬 石屬 鹽屬	二六六六
金屬	二六六六
石屬	二六六七
鹽屬	二六六九
庶物 布帛 皮毛 器用 釀造	二六七一
布帛	二六七一
皮毛 器用	二六七二
釀造	二六七三

貢物	二六七四
卷一百十三 實業志	二六八三
實業一 農業	二六八三
卷一百十四 實業二 工業	二七一七
卷一百十五 實業三 商業	二七四四
卷一百十六 實業四 礦業	二七八四
礦業上	二七八四
卷一百十七 實業五 礦業	二八二〇
礦業下	二八二〇
鐵礦	二八二〇
金礦	二八三二
銅礦	二八三五
銀鉛鋅礦	二八三六
筆鉛礦 硫化鐵礦	二八三九
滑石礦	二八四〇
苦土礦	二八四二
粘土等礦	二八四三
各類石礦	二八四五
卷一百十八 實業六 林業	二八五〇
卷一百十九 實業七 漁業	二八八三

卷一百二十	實業八	牧畜	二九〇五
卷一百二十一	實業九	蠶業	二九二五

奉天通志卷九十七

禮俗志

記曰安上治民莫善於禮移風易俗莫善於樂又曰君子行禮不求變俗蓋禮與俗相因地異宜謂之俗俗定約成者謂之禮俗爲禮之因而禮爲俗之果未有離俗而能成禮者然又云移風易俗何也俗有美惡宜汰惡而存美所謂易者易此而已故善言禮者因其故俗而利導之而不求變俗自來修志者每以禮俗並志由斯道也奉省之禮俗其原有三一曰先民之故俗二曰中原之新俗三曰沿習之禮制漢書地理志謂遼東地廣民稀終不相盜無門戶之閉婦人負信不淫辟其田民飲食以邊豆都邑頗放效此先人故俗之美者也又謂吏及內郡賈人往往以杯器食郡初奉天通志 卷九十七 禮俗志 一

取吏於遼東吏見民無閉藏及賈人往者夜則爲盜俗稍益薄此則染中原之汙俗矣又三國魏志管寧傳寧居遼東井汲者或男女相雜或爭并鬪鬪此故俗之汙者也寧遂講詩書陳俎豆飾威儀明禮讓民化其德此又化以中原之美俗矣中原之民歷代皆有移植而以齊魯幽燕之民爲多其毗於南者則俗於齊魯爲近毗於西者則俗於幽燕爲近其毗於東北者則土著多而移植之人少故往往能保其故俗女眞之爲金滿洲之爲清皆起於東北而入據中原既能保守其俗於故鄉又能移植其民於內地久之其俗亦不能保而漸漬於漢化蓋故俗樸而失之野新俗文而流於僞二者各有短長而奉省之俗漸能去野而存樸則劑以新俗之效也若夫婚喪禮制各地習俗不同而大體齊一且多同於內

地蓋皆出於沿習之效清代頒訂通禮官署遵守罔越吳榮光氏之吾學錄亦爲仕宦所習用獨於庶民之常禮殊無規制而士庶之家所遵行者乃爲文公家禮一書或謂家禮非朱子作然此邦人乃視爲不刊之常典抑亦奇矣其有整齊畫一之效者亦以此也綜而言之奉省俗重於禮而禮卽寓於俗中舍俗而言禮卽禮亦不可考矣茲分十三目曰典禮曰風俗曰節令曰歲時曰婚嫁曰喪葬曰祭祀曰神教曰居室曰衣服曰飲食曰器用曰方言方言言一日無與於禮而可以考見風俗故以附焉述禮俗志第六凡得四卷

禮俗一 典禮 風俗

典禮

奉天通志 卷九十七 禮俗一 典禮 二

班固曰人函天地陰陽之氣有喜怒哀樂之情天稟其性而不能節也聖人能爲之節而不能絕也故象天地而制禮樂所以通神明立人倫正情性節萬事者也人性有男女之情妬忌之別爲制婚姻之禮有交接長幼之序爲制鄉飲之禮有哀死思遠之情爲制喪祭之禮有尊卑敬上之心爲制朝覲之禮昔漢高祖設朝燕會諸功臣或飲酒酣歌拔劍擊柱叔孫通爲制禮儀朝廷肅然高祖歎曰吾乃今日知爲天子之貴也是故孔子曰安上治民莫善於禮又曰揖讓而天下治者禮樂之謂也是以古之有天下者皆重之奉省疆域昔爲諸族雜據若夫餘鮮卑若高句麗渤海若遼金元或據其境之一部或據其境之全部然世質民純典禮未備若夫金俗之插柳射天渤海之回旋踏舞雖爲禮樂之權輿至於

郊天耕藉宗廟朝會諸大典考之載籍莫或能詳及清建號盛京規模粗具逮定鼎燕都典制始彰荀卿子曰欲觀聖王之跡則於其粲然者矣其是之謂乎故本篇所紀典禮詳於清代如巡典祭陵迎詔迎冊寶節令慶賀耕藉鞭春鄉飲祀文廟祀關廟諸典禮式悉本會典通禮所載分條序列焉述典禮

巡幸 清自定鼎燕京以盛京爲陪都自康熙以下諸帝時祭祖陵兼省方土其巡幸儀式車駕啓行之日變儀衛陳騎駕鹵簿鳴角饒歌大樂饒歌清樂於車駕所出禁門外扈從王公各官服行衣佩弓矢留京王公百官蟒袍補服按翼列序門外祇候皇帝御行衣乘輿出宮導從扈衛如常儀鼓吹振作鹵簿前導扈從王公各官咸跪候過乘騎隨發留京王公百官跪送候過奉天通志 卷九十七 禮俗一 典禮 三

各退變輿經過地方文武各官咸朝服率紳士耆民於御道右百步外跪迎跪送至奉天城外盛京將軍以下文武各官咸朝服豫出郊至駐蹕行營外道右序立駕至跪候過隨至行營恭請聖安各退翌日皇帝躬祭陵寢^{見典}禮成入城御崇政殿詔案表案陳設各如儀皇帝御禮服隨駕王公並蒙古王等在崇政殿外左右排立隨駕文武各官在丹墀東盛京文武各官在丹墀西皆按品級排立朝鮮使臣等附西班牙之末王公百官咸朝服進表宣表行禮頒詔如儀若值行在所朝賀皇帝御帳殿皇子王公以下文武二品以上官在網城外按翼排班行禮回變恭送亦如之^{七會 二典 八十}迎詔 詔下直省所過府州縣五里之內文武官朝服跪迎軍民

伏道右候過省會有司豫於公廨設詔案香案案東設臺詔及郊備龍亭旗仗出迎使者承詔書以架恭奉安置龍亭內乘馬後隨鼓樂前導文武大僚率所屬官朝服出迎道右跪候過興先至公廨門外序立紳士耆老軍民咸集詔至門跪迎如初使者下馬隨龍亭入衆隨入使者奉詔書陳於案退立案東西面引禮生引各官就位班次如朝賀儀紳士在文官之末耆老軍民在武官之末通贊贊跪叩興衆行三跪九叩禮贊宣詔使者奉詔授宣詔官復位立宣詔官跪接登臺展詔書官二人從升均西面展詔書宣讀訖復於案退衆聽贊復行三跪九叩禮使者以詔授將軍副都統提鎮副將參將轉頒所屬營汛至日宣布軍民均如儀^{三會 十典}

奉天通志 卷九十七 禮俗一 典禮 四

迎冊寶 恭送實錄聖訓於盛京則奉書儲於行箱陳於龍亭欽派王公一人禮部工部堂官各一人侍衛十人館派提調官一人纂修官二人禮部工部各派司官一人筆帖式一人欽天監儀出朝陽門樂止載以行駕綵亭蓋旗儀仗如初所過守土官朝服跪道左迎送至奉天城外盛京將軍備綵亭鼓樂派官前引將軍五部侍郎府尹承咸率其屬出郭跪迎引入恭設崇政殿案上各官行三跪九叩禮提調等官同盛京五部司官行一跪三叩禮按次包裹畢再行一跪三叩禮擇吉仍設綵亭送往之王大臣等及將軍以下各官詣案前行一跪三叩禮奉設亭內行禮如初恭送至崇謨閣前衆行禮如初提調等官同盛京

五部司官恭奉尊藏畢衆行三跪九跪禮退十卷二

慶典 三大節朝賀之禮省會及各府州縣豫於公所正中恭設
皇帝萬歲萬萬歲龍牌於亭南嚮設香案於亭之南是日五鼓
有司設燎於庭設鑼於門廡省用道員或府同知一人府用同
知或通判如無同知通判用教官一人州縣均用教官一人糾
儀學生員二人通贊二人引班省會班次將軍總督加將軍銜
提督爲一班巡撫副都統提督學政爲二班總兵協領參領織
造督關郎中布政使按察使各道爲三班佐領督關員外郎知
府副將參將爲四班防禦督關主事司庫同知通判遊擊都司
爲五班驍騎校知州知縣教職守備爲六班有品級筆帖式庫
使經歷州同州判鹽大使由進士舉人出身者列第六班遇有
奉天通志 卷九十七 禮俗一 典禮 五

欽差人員一二品大臣列第一班之首三品以下之京堂列第
二班之首五品以下之部院官均列第二班之末滿洲蒙古護
軍分左右翼漢官文東武西立位東西南北上拜位北面東班
西上西班東上糾儀官位班行之北通贊引班位糾儀官之南
東西面夜漏未盡朝服畢會贊明引班引入至丹墀內序立通
贊贊齊班引班分引至拜位前立贊進步進贊跪叩興各行三
跪九叩禮畢引退府不附省縣不附府者文武官於公所按班
行禮均如省會儀三卷十典

鄉飲禮 歲孟春望日孟冬朔日舉鄉飲酒之禮以守牧令爲主
人省會及監司分駐之地皆以監司貳其禮以鄉之年高六十
以上有德行者一人爲賓其次一人爲介又其次爲衆賓以教

官一人爲司正學弟子習禮者二人司爵二人贊禮二人引禮

一人讀律令僚佐皆與前期戒賓賓禮辭許戒介亦如之先一
日司正率執事者詣講堂肄儀設監禮席次於庭東北向布賓
席於堂西北南向主人席於東南南向介席於西南南向衆賓
之長三人席於賓西南向東上皆專席不屬衆賓席於西序東
向僚佐席於東序西向皆北上司正席於主人之東北向大有
席夫來觀禮者缺坐於東北一席品二席南三席三品設律令案一於主
階下如儀布席陳設 屆日贊明執事者入具饌設尊於案實酒於
尊加罍勺臚爵在尊北讀律者奉律令陳於中案既辨監禮者
朝服詣學官就次監禮主人率司正及僚屬咸朝服入迺使人
奉天通志 卷九十七 禮俗一 典禮 六

速賓介主人立東階下西面僚佐序立於主人之後西面北上
司正讀律令者立僚佐之南北面西上贊禮者一人立東階下
又一人立庠門之外均西面屆時賓介盛服至序立於庠門外
之右介居賓南衆賓居介南皆東面北上執事者以賓至告於
主人主人出迎賓西面揖賓介以下東面答揖主人入門左賓
揖介介揖衆賓以次入門右當階主人揖及階揖賓皆答揖主
人與賓讓升三讓賓三辭主人升賓迺升主人東階上賓西階
上贊者贊拜主人西面再拜賓東面答拜興卽席主人降階延
介一讓升介升拜如賓禮就位主人乃延衆賓衆賓以次皆升
主人揖賓長皆答揖衆賓卽席主人率僚佐以下咸卽席贊禮
者贊揚觴執事者引司正由東階升詣堂中北面立賓介皆起

立贊揖司正揖賓介以下答揖司爵詣酒尊所舉罇酌酒於觴進授司正司正揚觶而語曰恭維朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉黨無或廢墮以忝所生讀畢贊者贊司正飲酒司正立飲畢以觴授執事者反於案贊揖司正揖賓介以下皆揖司正復位賓介以下皆坐贊讀律令執事者舉律令案於堂中引禮引讀律令者就案前北面立賓介主人以下聽贊咸起立旅揖如司正揚觶禮遇讀律令曰律令凡鄉飲酒序長幼論賢良年高有德者居上其次序齒列坐有過犯者不得干與違者罪以違制失儀則揚觶者以禮責之讀畢復位賓主以下皆坐贊者贊供饌執事者舉饌案於賓前次奉天通志 卷九十七 禮俗一 典禮 七

介次主人衆賓以下徧舉訖贊獻賓主人起離席北面主司爵詣酒尊所酌酒實爵授主人主人受爵詣賓席奠於案稍退賓避席立於主人之左贊拜主人再拜賓答拜皆復位立贊賓酢主人賓立司爵酌酒授賓賓受爵介從詣主人席前拜送爵主人答拜如前儀皆坐執事者徧獻三賓衆賓爵訖酒數行工升歌周詩鹿鳴三章卒歌笙奏御製補南陔詩御製補白華詩御製補華黍詩三章笙奏御製補由庚詩御製補崇邱詩御製補由儀詩迺合樂歌周南詩關雎三章召南鵲巢三章卒歌工告備出執事者行酒主賓以下飲無算爵贊禮贊徹饌衆起離席主人率僚屬在東西上賓介在西東上皆北面贊拜主人再拜賓介以下皆再拜賓降西階出介及衆賓從之庠門外之右東

面北上主人降東階出僚屬從送賓於庠門外之左西面旅揖賓介退禮卒無愆監禮出主人率僚屬送於庠門外皆退十通 四禮祭陵 遇皇帝展謁盛京三陵具奏應行典禮開列堂官銜名其隨駕王公大臣並隨至祭臺前之王公前引進爵大臣均奏請欽派如皇帝初次謁陵奏請於駐蹕日詣陵行謁見禮禮節由部恭進次日日行大祭禮禮節由太常寺恭進皇帝御素服隨從之王公百官均素服恭謁永陵皇帝於啓運殿之北門階下行三跪九拜禮謁福陵昭陵於明樓前行禮奠酒舉哀皇帝謁陵乘輿降輿之處均俟臨時酌擬具奏隨從王等均於下馬碑下馬貝勒以下大臣侍衛三品官以上於未至下馬碑下馬謁陵奉天通志 卷九十七 禮俗一 典禮 八

次日行大饗禮永陵於啓運殿福陵昭陵於隆恩殿御禮服隨從之王公百官均朝服恭請帝后神位奉安寶座南向帝后同案每案牛一羊二鑪鑪具酒四尊疏布幕勺具每位奉先制帛一羹飯脯醢十八器餅餌果實六十五器夏則薦瓜茶盃一金爵三有墊金匕三金筯三皇貴妃耐饗者設位於西旁東向素帛一餅餌果實五十四器餘同皇帝行三跪九拜禮王公百官隨行禮上香讀祝三獻禮畢至西明樓前西嚮立舉哀王公百官於陵寢門外舉哀御禮服不至明樓前舉哀禮畢仍更青長袍掛十會 七典 三常祭 三陵清明孟秋望冬至歲暮四大祭開列盛京宗室官六人銜名送太常寺奏請欽派及期則監禮福陵昭陵大祭以將

軍暨禮部侍郎輪班在殿內監禮以副都統戶兵刑工四部侍郎在殿外陪祀餘祭以將軍暨禮部侍郎監禮同以副都統四部侍郎在殿外立班永陵四大祭以將軍副都統五部侍郎輪班監禮朔望供其常祭萬壽聖節亦如之福陵昭陵四大祭每祭用王棠米糯米各八升黍米一斗二升稷米一斗六升稗米二升白鹽二十三斤黑鹽二十一斤蕨菜十斤木耳二斤八兩蘑菇八斤雞蛋一千五百九十一枚鵝蛋四十枚鴨蛋六十枚永陵倍之皆供自盛京戶部又歲用八寶大纓各三百八十四斤鹽六十斤茶六十五斤蘋果梨柿各四百二十枚供自太常寺又歲用乳酥一千八百二十六斤供自兩翼牧廠其三陵歲用乾棗葡萄各三百三十斤龍眼荔枝各二百三十二斤橘餅

奉天通志

卷九十七

禮俗一 典禮

九

六千三百三十六枚柿餅七千九百二十枚核桃六萬一千七百七十六枚冰糖三百九十六斤白糖七百六十八斤門冬四百十斤青梅二百八十七斤皆由禮部委員採買具其邊豆每陵蘋果柿子橘餅香雪梨各四十八枚膠棗二斤八兩冰糖三斤寸白糖五斤八寶大纓各三斤密漬山楂密漬花紅各三斤八兩松子八升庀其香帛三陵每祭各用香三兩白蠟燭重六兩者一百七十四對三兩者二百九十八對帛二端皆供自太常寺

常寺

四會十典

祭社稷 社稷皆社右稷左異位同壇歲以春秋仲月上戊日致祭省會總督若巡撫一人主之在城文武官咸與祭祇割牲省盥盛以道員等官糾儀以教授訓導司香司帛司爵司司祝司

遼寧舊方志

卷九十七

禮俗一 典禮

饌以承倅通贊引贊引班以學弟子員嫺禮儀者充之前期主祭官暨陪祭執事官各於公廨致齋三日掃除壇壝內外祭之前夕掌饌潔備品物置案於神廚設香燭祇割牲官公服詣案前上香行三叩禮畢宰人牽牲告牘遂割牲以豆取毛血壓於坎及祭之日雞初鳴執事人入設案一於壇上正中北向陳鋼二實和羹簋二實稻粱簋二實黍稷簋四實形鹽棗栗鹿脯豆四實菁菹鹿醢芹菹兔醢若不能備各就土所有以其類充案前設俎陳羊一豕一又前設香案一陳祝文香盤鑪鎚左設一案東向陳簠一實帛二尊一爵六又設福昨於尊爵之次司祝一人司香帛二人司爵二人位案東西面階下之東設洗當階爲主祭官拜位其後爲陪祭官拜位文東武西通贊二人位階

奉天通志

卷九十七

禮俗一 典禮

十

下左右糾儀官二人分位陪祭官左右均東西面漏未盡主祭官及陪祭官朝服畢集壇外引贊二人引省盥官入壇祇牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至階下盥手通贊贊執事者各司其事贊就位引贊引主祭官引班引陪祭官咸就拜位立贊迎神引主祭官升詣香案前跪叩香跪奉香主祭官三上香興贊復位引主祭官降階復位立贊跪叩興主祭官暨陪祭官行三跪九叩禮贊初獻引主祭官升詣神位前跪叩帛跪奉饌主祭官受饌恭獻仍授司爵興奠於案司爵跪奉爵主祭官受爵恭獻仍授司爵興分詣社稷位前各奠正中皆退贊讀祝引主祭官詣香案前跪隨祭官皆跪叩祝三叩興奉祝文跪

右讀祝文讀畢三叩興以祝文復於案退贊叩興主祭官暨陪祭官三叩興贊復位引主祭官降階復位立贊亞獻引主祭官升詣神位前獻爵於左贊終獻引主祭官升詣神位前獻爵於右均如初獻儀贊賜福昨引主祭官升詣香案前跪司爵跪進福酒於右主祭官受爵拱舉司爵接爵興司爵跪進豆肉於左主祭官受豆拱舉司爵接豆興各退贊叩興主祭官三叩興贊復位引主祭官復位立贊送神跪叩興主祭官暨陪祭官行三跪九叩禮贊徹饌執事官徹饌贊瘞祝帛執事官奉祝次香次帛次饌詣瘞所禮畢各退

七通禮

祭先農 先農壇歲以仲春亥日致祭

季或春用

省會以總督若巡撫

一人主之陪祀文武官及各執事人均如祭社稷之禮祭畢各

奉天通志

卷九十七

禮俗一 典禮

十一

官易蟒袍詣藉田通贊贊行耕藉禮就耕所執事者授耒耜皆右秉耒左執鞭將軍以府佐貳官一員執種箱一員播種各道以州縣佐貳官執箱播種知府知縣以丞吏執箱播種皆耆老一人牽牛農夫二人扶犁各九推九返畢農夫終畝各官率耆老農夫望闕行三跪九叩禮各退

鞭春 立春則盛京各府州縣豫造芒神土牛於東郊設案於芒

神土牛前陳香燭果酒之屬案前布拜席府州縣正官率僚屬咸朝服詣東郊立春時至通贊贊行禮正官一人在前餘官以序列行就拜位通贊執事者於拜席左右立贊跪叩興衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興乃昇芒神土牛鼓

樂前導各官後從迎入城至署陳於堂前各官執綵杖環立擊土牛三樂工擊鼓

三會十典

祀孔 省府州縣建先師孔子廟每歲以春秋仲月上丁日釋奠

將軍或總督爲正獻兩序以道員兩廡以知府同知爲分獻崇

聖祠以學政爲正獻府州縣無道員分駐者知府知州知縣正

獻兩序以佐貳及所屬兩廡以廩生分獻崇聖祠教諭正獻兩

序訓導分獻兩廡廩生分獻先師位前陳牛一羊一豕一登一

鉶簠簋各二籩豆各十配位前各陳羊一豕一鉶簠簋各二籩

豆各八兩序東西各陳羊一豕一每位前陳鉶簠簋各一籩豆

各四兩廡先賢案前東西各羊二三豕二先儒案前東西各羊一

豕一每二位一案每案簠簋各一籩豆各四上香讀祝三獻俱

奉天通志

卷九十七

禮俗一 典禮

十二

行三跪九叩禮崇聖祠正位前各陳羊一豕一鉶簠簋各二籩豆各八配位東西各陳羊一豕一每位前簠簋各一籩豆各四兩廡東西各羊一豕一每位前簠簋各一籩豆各四行禮均如致祭先師儀

十會十六典三

祭關帝 關帝廟歲均以春秋仲月及五月旬有三日致祭於前

殿主祭以地方正官一人後殿以丞吏執事以禮生祭日味爽

廟祝潔掃殿宇內外具祝版備祭品陳神位前牛一羊一豕一

登一鉶二簠簋各二籩豆各十鑪一鑪二殿中設一案少西北

向供祝版東設一案陳禮神制帛

白色

香盤一尊一爵三牲陳於

俎帛實於簠尊實酒設洗於東階上承祭官拜位在殿內正中

司祝司香司帛司爵掌燎各以其職爲位如常儀贊明承祭官

朝服詣廟贊引承祭官由廟左門入至階下盥手畢贊就位引承祭官就位立贊迎神詣上香位引承祭官就香案前立贊上香司香跪奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興贊奠帛爵行初獻禮司帛奉篚司爵奉爵各進至神位前司帛跪奠篚於案三叩興司爵立獻爵於案正中各退司祝詣祝案前跪三叩興奉祝版跪案左贊跪承祭官跪贊讀祝司祝讀祝辭讀畢興以祝版跪安於篚內叩如初興退贊叩興承祭官行三叩禮興贊行亞獻禮司爵獻爵於左如初獻儀贊行終獻禮司爵獻爵於右如亞獻儀贊徹饌畢贊送神贊跪叩興承祭官行三跪九叩禮興贊奉祝帛饌送燎贊望燎引承祭官詣燎位眠燎禮畢承祭

奉天通志

卷九十七

禮俗一 典禮

十三

官及執事官皆退

十通四禮

祭文昌 直省府州縣祭文昌之禮歲均以二月二日春秋仲月

諏吉省會以守土長官一人主祭祀版備品陣設洗辨位行禮

儀節均與關帝廟同

參通官禮冊十四

昭忠祠 歲春秋仲月守土官祭本籍陣亡文武官及兵丁等於

昭忠祠

附文祀武三品仍以上體入祠昭忠祠祭品用羊一豕一

果實五盤帛一尊爵鑪鑊具主祭官上香奠帛三獻行禮祝辭

畢退

參通官禮冊十四

名臣忠節諸臣專祠 凡名臣忠節諸臣於直省建立專祠者歲

以春秋諏吉致祭至日所司備祝文具牲宰品物守土官采服

詣祠行三獻禮儀與祭昭忠祠同

參通官禮冊十六

祭厲 府州縣歲三月寒食節七月望日十月朔日祭厲壇於城

北郊前期守土官飭所司具香燭公服詣神祇壇以祭厲告本境城隍之位上香跪三叩興退至日所司陳羊三豕三米飯三石尊酒楮帛於祭所設燎鑪於壇南黎明禮生奉請城隍神位入壇設於正中香案一鑪鑊具贊禮生二人引守土官公服詣神位前贊跪守土官跪贊上香守土官三上香贊叩興守土官三叩興退執事者焚楮帛守土官詣燎鑪前祭酒三爵退禮生仍奉城隍還神祇壇退

十通六禮

附相見禮

直省文屬見長官之禮 初見具銜名履歷公服詣署司道見

督撫至大門外降輿入及儀門由左門入督撫迎於外堂後

奉天通志

卷九十七

禮俗一 典禮

十四

屏內督撫先行司道隨入及廳事司道當楣北面稟參督撫辭迺三揖督撫西面答揖督撫正坐司道旁侍坐命坐揖茶至揖凡司道揖督撫均答揖辭出三揖如初督撫送至屏門外司道三揖俟督撫入門復三揖趨出至大門外乘輿督撫次日用名柬答拜若公事謁見常服通銜名三揖就坐餘如前儀知府見督撫轎門外下輿馬餘與知府見同州縣見督撫轎通判見督撫轎門外下輿馬餘與知府見同州縣見督撫轎門外下輿馬升堂北面再拜興三揖辭退三揖督撫皆立受餘如府倅見儀知府同知通判見司道司迎送於屏門外道迎送於堂檐下坐次知府等東位西面司道位於西南東北面餘如見督撫儀司道用名柬答拜州縣見司道行庭參禮

司道不迎送餘如知府見儀州縣見知府迎送於屏門外餘如見司道儀見同知通判迎送於堂檐下餘儀同直隸州知州見長官及接屬官儀與州縣同教職見督撫司道知府等官均如知縣見儀首領佐雜官見督撫司道知府行一跪三叩禮不揖不坐府首領縣佐貳等官見同知通判如州縣見司道儀雜職官見同知通判如見知府儀見知縣如州縣見知府儀運使鹽道見鹽政與司道見督撫儀同運同運副提舉運判見鹽政與府廳見督撫儀同運同運判見運使與府廳見司道儀同鹽運使司經歷知事大使等官見本轄長官與首領雜職官見長官同如鹽大使由科甲出身者見本轄長官與州奉天通志 卷九十七 禮俗一 典禮 十五

縣同運司見督撫如司道儀運同如知府儀運副提舉運判如同知通判儀關監督所屬稽察稅務之府佐貳見監督如府廳見道儀督撫新蒞任司道遣役迎於境內府州縣官於所治十里內躬迎十里以外不出迎司道以下官蒞任屬官準此 十通 六禮 四

直省武屬見長官之禮 初見具銜名履歷披執副將見提督轅門外下馬門吏稟曰傳命免披執易公服佩刀由左門入升堂北面稟參辭三揖提督西面答揖坐次提督正坐副將侍坐茶畢辭退三揖如初提督送至階下常見不披執仍佩刀餘儀同見本鎮總兵官迎於堂後屏內送至屏外坐次副將東位西面總兵官位西南東北面餘如見督撫儀凡副將

揖總兵官皆平立答揖參將游擊見提督行一跪三叩禮畢三揖提督起三答揖坐待茶畢辭退揖如初提督起立不送餘如副將儀見總兵官如副將見提督儀見本鎮總兵官如見提督儀游擊見本轄副將副將出位送餘如見總兵儀都司守備見提督披執北面跪自宣銜名三叩提督坐受命坐西面席地坐不設茶辭出三叩趨退提督不起立公事謁見常服佩刀不宣銜名餘儀同見總兵官旁坐待茶餘如見提督儀見本轄副將不宣銜名凡揖皆起立答揖餘如見總兵儀若非本轄則如游擊儀見本轄參將游擊初見行庭參禮常見三揖參將游擊僉坐都司守備旁坐茶畢三揖辭出參將游擊出位送凡揖皆答餘如見副將儀若非本轄守備稟奉天通志 卷九十七 禮俗一 典禮 十六

參辭迺三揖參將游擊答揖趨出送至屏內千總把總見提督總兵副將參將游擊皆不坐餘如守備見提督儀千總見本轄都司守備初見行庭參禮都司守備答揖常見一揖就坐都司守備正坐千總旁坐茶畢趨出餘如守備見游擊儀若非本轄稟參迺退三揖皆答揖茶畢趨出送至屏外把總見都司守備初見三揖答揖常見一揖旁坐茶畢趨出都司守備起立不送餘如見游擊儀 上同

直省滿洲官漢官相見之禮 鎮守將軍副都統與督撫提鎮相見行賓主禮司道以下官見將軍與見總督儀同見副都統與見總兵官儀同府廳州縣見子爵如總兵官儀男爵如副將儀輕車都尉參領如參將儀騎都尉副參領如都司儀

雲騎尉並五品官如守備儀協領參領見督撫與司道同佐領防禦等官見督撫與知府同驍騎校見督撫與知縣同餘不相統屬者均行賓主禮上同

儒學弟子員見學師之禮 與國子生見國學師儀同學政按

臨次日釋奠學宮講學於明倫堂提調等官謁見如儀教職

引學弟子員進見各三揖退立學弟子員出班講書俟行賞

罰畢各退上同

受業弟子見師長之禮 初見師未出先入設席正位俟於

堂下師出召見乃奉贊入奠贊於席北面再拜師起答揖興

謹問起居命之坐迺侍坐有問則起而對辭出三揖師不送

常見侍坐請業則起請益則起師有教立聽命坐迺坐師問

奉天通志 卷九十七

禮俗一 典禮

十七

更端仍起而對朝入一揖暮出一揖與同學弟子均以齒序

士人敵體相見之禮 賓及門從者通名主人出迎於大門外

揖入及門及階揖如初登堂主賓均北面再拜興主人趨正

賓坐賓禮辭主人卒正坐左還賓正主人坐亦如之即席賓

東位西面主人西位東面飲茶敘語畢賓退揖及階及門揖

辭主人均答揖迺送賓於大門外揖如初若見父之執友與

見尊長儀同上同

卑幼見有服尊親之禮 及門從者通名竣外次尊長召入

見升階北面再拜尊長西面答揖命坐眠尊長坐次侍坐於

側茶至揖敘語畢稟辭三揖凡揖尊長皆答出尊長不送若

尊長來見卑幼迎送於大門外行禮坐次如前儀

風俗

今奉省轄域在古諸族雜據錯綜邊變代有不同習俗攸殊風教異尚考之典籍禹貢屬青冀二州之地戰國燕稱遼東遼西秦初置郡兩漢三國因之其時扶餘建國括有奉省北境至晉慕容氏興據有遼西之地六朝及隋高句麗據有遼東唐平高麗置安東都護府而渤海大氏又置五京十五府六十二州亦有遼東之一部遼金元代起或置府或設路皆包奉天全部明設定遼中左右前後諸衛疆域所及不出邊牆全遼志云我朝始徙江淮齊魯之民居之而高麗女直等夷之土著者不易其處故今之浸淫於衣冠文物之化者七而侏儒左衽之遺猶二三焉當時風俗之雜可想見矣有清崛起興京奄有遼瀋繼取錦寧部族雜居地域彌廣

奉天通志 卷九十七

禮俗一 風俗

十八

風俗所漸浸被尤普中葉以後蒙疆日闢科爾沁旗逐漸設治蒙古風俗又孱入焉故凡漢人扶餘鮮卑高麗渤海女直滿蒙諸族風俗之見於載籍者擇列爲前代風俗今則滿漢通婚畛域早泯加以交通便利華夷雜處合省民風日臻同化間有困於方隅習尙小異大抵可分五部述之一曰中部瀋陽遼陽海城蓋平營口遼中新民撫順鐵嶺開原諸縣平原之地屬之一曰東南部復金岫巖鳳城莊河安東寬甸輯安桓仁臨江長白撫松安圖等縣多山之地屬之一曰東北部海龍柳河東豐西豐西安興京通化輝南金川清原等縣高原之地屬之一曰西北部昌圖法庫梨樹懷德彰武遼源通遼及舊洮南府屬各縣之蒙地屬之一曰西南部北鎮黑山錦義興城錦西綏中等遼河迤西各縣屬之爰據各縣

志書所載序列於後

前代風俗

漢人 漢書地理志上谷至遼東地廣民希俗與趙代相類有魚

鹽棗栗之饒北隙烏丸夫餘東賈真番之利

言而
兼按此指奉天西北西部

三國志管寧傳註寧居遼東因山爲廬鑿坏爲室越海避難者皆來就之而居旬月而成邑遂講詩書陳俎豆飾威儀明禮讓民化其德又曰寧所居屯落會井汲者或男女雜錯或爭并鬪閭寧乃多買器分置井傍汲以待之問知寧所爲乃各相責不復鬪訟鄰有牛暴寧田者爲牽牛著涼處爲飲食過於牛主主得牛大慙若犯嚴刑禮讓移於海表

奉天通志 卷九十七 禮俗一 風俗 十九

夫餘 後漢書夫餘國食飲用俎豆會同拜爵洗爵揖讓

晉書夫餘國會同揖讓之儀有似中國

後漢書夫餘以臘月祭天大會連日飲食歌舞名曰迎鼓有軍事亦祭天

三國志夫餘有宮室倉庫牢獄作城柵皆員

三國志夫餘衣尙白白布大袂袍袴履革鞬出國則尙繪繡錦

罽大人加狐狸狄白黑貂之裘以金銀飾冒

普書夫餘俗出使乃衣錦罽

後漢書夫餘善射其人彊勇謹厚以弓矢刀矛爲兵

鮮卑 晉書鮮卑世居北夷邑于紫蒙之野號曰東胡其後與匈奴並盛控弦之士二十餘萬風俗官號與匈奴畧同

又慕容涉歸以全柳城之功進拜鮮卑單于遷邑於遼東北於是漸慕諸夏之風

又元康四年慕容廆遷居大棘城教以農桑法制同于上國

又平原劉讚儒學該通慕容廆引爲東庠祭酒其世子軌束修受業焉廆覽政之暇親臨聽之於是路有頌聲禮樂興矣

十六國春秋

高麗 唐書高麗王服五采以白羅製冠革帶皆金釧大臣青羅冠次絳羅珥兩鳥羽金銀雜釵衫笄褰袴大口白韋帶黃革履庶人衣褐戴弁女子首巾幘俗喜奔投壺蹴鞠食用籩豆簠簋疊洗居依山谷以草茨屋惟王公官府佛廬以瓦窰民盛冬作長炕燭火以取煖服父母喪三年兄弟踰月俗多淫祠祀靈星

奉天通志 卷九十七 禮俗一 風俗 二十

及日箕子可漢等神國左有大穴有神隧每月十月王皆自祭人喜學至窮里廝家亦相矜勉衢側悉構嚴屋號扁堂子弟未婚者曹處誦經習射

渤海 文獻通考渤海知書契識古今制度號爲海東盛國

渤海國志長編渤海之先出於勿吉勿吉之俗其地下淫築城穴居屋形似塚開口於上以梯出入佃則耦耕車則步推飲能

至醉俗以人溺洗手面

引此後爲漢書謂之夫餘不國是以徵六信滿名洲官源有流焉考

原加牛大加狗部加案外名夷清故高以宗文夫餘汚國傳如訂犬豕疥癰之類已夷詳蓋備勞日皆中

遺以犬後虫人即用其示不也信然正與傳此之同簡 頭插虎豹尾善射獵其父母

春夏死立埋之冢上作屋不令雨淫若秋冬以其屍捕貂貂食其肉多得之俗皆編髮性凶悍無憂戚貴壯而賤老無屋宇並

依山水掘地爲穴架木於上以土覆之狀如中原冢墓相聚而居夏則出隨水草冬則入居穴中死者穿地埋之以身襯土無棺殮之具殺所乘馬於屍前設祭其酋近追通於中朝寢染唐風習禮儀之節重衣冠之制故俗不能盡保矣

舊唐書渤海靺鞨有文字及書記太和七年遣學生三人請赴上都學問先遣學生三人事業稍成請歸本國許之

渤海國志長編文王大興元年使人如唐寫漢書三國志晉書十六國春秋唐禮宣王之世遣學生李居正朱承朝高壽海等三人王彝震咸和三年遣學生解楚卿趙學明劉寶俊等三人先後入唐於其國內設文籍院以儲圖書設胄子監以教諸子稽古右文頗極一時之盛其國之士大夫多擅文

奉天通志 卷九十七 禮俗一 風俗 二十一

藝而擅長雕刻繪畫者亦有之

金史渤海舊俗男女婚娶多不以禮必先攘竊以奔詔禁絕之犯者以姦論

王曾行程錄渤海俗每歲時聚會作樂先命善歌舞者數輩前行士女相隨更相唱和回旋宛轉號曰踏鉦

渤海國志長編金史世紀謂渤海有禮樂禮之可考者故俗男女婚娶多不以禮必先攘竊以奔亡後二百餘年猶然金世宗大定十七年曾嚴禁之犯者以姦論唐制太后朝婦人拜而不跪渤海依之渤海遺民隱繼宗等奔高麗謁王於天德殿三拜或謂失禮其大相含弘曰失土之人三拜古之禮也遼太宗幸東京人皇王備乘輿羽衛以迎聖宗東巡東京

留守亦具儀衛迎之史臣紀之曰此渤海儀衛也此其禮制之僅見者宋陳暘樂書載有靺鞨舞之名金史樂志亦紀有渤海樂惟語焉不詳隋開皇初靺鞨使來朝文帝令宴飲於前使者與其徒起舞多戰鬪之容此蓋勿吉故俗也渤海建國後已制新樂大興三年已珍蒙聘日本人奏渤海樂是也日本嘗遣內雄來學音聲學成歸國十年無消息文王遣烏須弗往問之自是渤海樂遂傳於日本祭神禰時或作之此又燕樂之可考者

渤海國志長編引北盟錄云金以女巫爲薩滿或曰珊蠻金與渤海同族度渤海人亦必奉之薩滿亦稱又瑪奉者多爲婦人蓋女巫之一種也於祀先禱神時戴尖冠著長裙腰繫

奉天通志 卷九十七 禮俗一 風俗 二十一

銅鈴擊鼓踴躍舞口喃喃辭不可辨又謂可以療疾今寧安及遼東各地猶存此俗

契丹國志渤海國男子多智勇有三人渤海當一虎之語

松漠紀聞渤海國男子多智謀驍勇出他國右契丹太祖徙其名帳千餘戶于燕有戰則用爲前驅

渤海國志長編渤海男子多智謀驍勇出他國右至有三人當一虎之謗婦人皆悍妒大抵與他姓相結十姊妹迭譏察其夫不容置側室間有他遇必謀毒死其所愛一夫有犯妻不之覺者則羣聚而詬之爭以嫉妒相誇故契丹諸國皆有女倡而其良人多有小婦侍婢惟渤海人無之

女眞 大金國志女眞部其居多依山谷聯木爲柵或覆以板與